



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt III.

urn:nbn:de:hbz:466:1-11453

tare non posset terrā, cui ipse dare legitimum non posset herede. Ille tamen & sanguinis iure, & gladij prasidio perfecit, vt pati cogerentur eū & Hollandiæ & Selādiæ gubernatorē: quod vt assequeretur, passus est ecclesiā, vt diximus, alteri commendari. Ad archiepiscopatum autem Rigensem promotus est Iohannes Habundi in concilio Constantiensi, cum prædecessore diu versatus. Facile autem Iohannes Walrode, dimissa Rigensi, accepit aliam: quia fratres de domo Teutonica, ita semper ecclesiam exercent, à qua creuerunt, vt facile quicquid aliud mālūt, quàm in ecclesia Rigensi gerere archiepiscopatum.

CAPVT III.

Rodolphus interea dux superioris Saxonie, cum ordinatione Sigismundi regis, legatione fungere in Bohemiā, vt vel proceres ipsos auerteret à perfidia, & ad ecclesiæ vnionem reuocaret: perpensum est à malignis quibusdam, legationem eius plurimum, si sine- retur, prosperaturam: qui submouendum hominem putauerunt. Armis publicè non licuit: Iure enim gentium legatis præstatur reditus: Veneno sunt aggressi, & peremerunt principem gloriosum. Quo tempore, cum annus ageretur à Christo decimus nonus post mille quadringentos, principes Magnopolenses, & ciues Rostocenses, anni apud Martinum summum pontificem, publicum Rostockij gymnasium collocauere. In profesto diu Martini principes Iohannes & Albertus, literas papales solenni pompa inuexerunt in urbem: magistros collocauerunt: sacrum mysterium in ecclesia peregit Iohannes Zwerinensis episcopus: Quo peracto, ipse cancellarius factus, lectis literis apostolicis, solenniter exequutus easdem, instituit scholam publicam cum priuile-

uilegijs & dotibus. Mansiones idoneae personis praesidentibus eriguntur: publica lectionum & disputationum. Paladia construuntur, & omnium pro dignitate sua sumunt principia, constitutis stipendijs pro cuiusque ordine, quae ab eius loci concilio soluerentur. Per idem quoque tempus clerus Brunsvicensis, qui tanto tempore vrbe exclusus, est peregrinatus, per occasionem vilis initij, reducit. Nam causa in Romana curia ad finem deducta, solenni processu laicus populus superior factus, ut aiunt, expensas litis à quibusdam cleri decimis, per tempora certa perceptis, recuperavit, hoc primum anno rebus ad priusnam integritatem redeuntibus. Tum etiam mercatoribus huius littoris Germanici res in Hispania fuisse aduersa: Nam rex Hispaniae pridem Alemannis interdixit, suos portus nè ingrediantur: precipiens, ut Bruggis expectarent suorum ex regno mercatorum aduentum. Vidit oculatus rex, Germanorum in suos portus navigationem, suis regnicolis adimere maris usum, nauibus procurandis nullam illis esse curam: Quam rem auertere instituens, edixit, ut ipsi nauigarent: alijque interdixit, nè nauigantes aduentarent. Sed Germani iam nauium multitudine freti, regis imperium posthabuere, classem suorum grandem conficientes, quo ad repellendam vim essent armatiores. Rex ubi contemptum vidit suum editum, armis statuit tueri, contemptumque vindicare. Nam armatis omnibus regni sui nauibus, portus, in quibus sciebat mercari Germanos, à mari conclusit: egressuros, per arma excepit, & ad internecionem, paucis elabentibus, cecidit: Quadraginta octo naues tum victor ex eis obtinuit. Discite, gentiles, iustitiam moniti, non temere diuos principum iussus.